

Arubaanse Courant

ANJA 27

Dia Huebs 8 December 1966.

No 8025

LAGO LO PAGA EMPLEADONAN MAS DI DOS MIYON FLORIN DURANTE DECEMBER

SAN NICOLAS, Tres anuncio cu lo trece mas cu dos milyon di florin den circulacion na Aruba durante December, a worde haci recientemente door di gerencia di Lago.

PAGO PA COSTO DI BIDA

Dia 23 di November 1966 Lago y IOWUA a firma un acuerdo tocante un bonus pa costo di bida na tur empleadonan staff y regular cu ta cai bao di e convenio colectivo di trabao, y cu ta riba payroll activo dia 3 December 1966. E pago aki ta igual na 95.64% di un empleado su ganamento normal pa un luna, exclusivo di abono pa trabao di warda y un di incrementonan pa servicio si acaso tin.

E pago aki, den un solo suma, ta cubri cualkier reclamo pa compensacion di costo di bida pa e periodo 3 December 1966 te 2 December 1967 inclusivo.

Como cu e pago ta cubri ahuste di costo di bida pa un periodo cu ta surpasa validez di e actual Convenio Colectivo di Trabao, cual lo caduca 30 Juni 1967, e acuerdo ta cubri derecho di compania di cobra bek di cada empleado e pago di costo di bida pagá di antemano door di Compania, na proporcion di e periodo total di ausencianan door di kita e placa for di sueldo of di otro manera, si acaso tin un ausencia colectivo di parti di empleadonan.

E pago pa costo di bida lo worde haci cu check dia 9 December 1966.

52 CENT PA CADA FLORIN CONTRIBUCION ADICIONAL.

Lago a anuncia tambe cu cada participante di Lago Thrift Plan lo worde creditá cu 52 cent pa cada florin cu el a contribui durante e periodo di 13 luna cu a caba dia 31 October 1966. Empleadonan den e plan pa un periodo cu ta menos lo recibí un parti proporcional.

Ademas di esey, f. 25.-- lo keda creditá na cuenta di cada participante den Thrift Plan.

E base di 13 luna pa 1966, lugar di e diezdos luna di costumber, ta representa 5.2% adicional di pago di un luna cual cada participante lo recibí kende ta haciendo e contribucion maximo (esta 10%) na e Plan.

Cualquier participante cu stop di traha despues di 31 October 1966, pa cualkier motibu cu no ta pasobra el a worde kitá of cu e mes a tuma retiro, tambe lo ricibi un contribucion adicional calculá riba e base mencioná aki riba.

Den pasado, Lago su contribucion adicional na Thrift Plan tabata ser fihá door di e contribucion adicional hací na em-

pleadonan di Jersey cu ta traha na Merca of na ultramar. E montante di e contribucion tabata depende di operacion total di compania riba henter mundu.

Sin embargo un revision reciente di Thrift Plan di Jersey a elimina tur contribucion adicional. Ta pesey cu e midí aki no por worde usa mas pa fihá

e contribucionnan adicional na Lago su Thrift Plan.

Pesey Lago, su gerencia a establece puntonan nobo di guia, pa medio di cual e montante di e contribucion adicional di Thrift lo keda fihá den futuro door di nos mes compania su operacion.

Lago Thrift Foundation a aproba un lamentamento di placa espe-

cial pa Pascu. Cada empleado tin e opcion di lamta te dos-tercera parti di su contribucion adicional pa 1966.

Lago Thrift Foundation a anuncia tambe cu ganashi di e fondo lo worde reparti na razon di 4.1 porciento di cada empleado su promedio di su balance credito durante e anja cu a caba 30 September 1966.

Modernizacion di refinacion na Lago ta cuminza otro anja

SAN NICOLAS, Manera ya nos a anuncia anteriormente, Lago a caba di inverti un suma di mas o menos 9 milyon florin den modernizacion di e refinacion y e movimiento di azeta. E dos proyectonan aki lo cuminza na principio di otro anja y un cantidad di 300 persona lo hanja trabao durante e tempo cu e proyectonan ta den construccion.

Tocante e proyecto di modernizacion di refinacion, Lago a suministra e siguiente informacionnan adicional.

Un proyecto masha grandi pa modernisa refinacion, pa cual construccion ta fihá pa cuminza den promer dianan di anja 1967, ta plané pa contribui na mihor eficacia den refinacion door di uso di metodonan di comunicacion y control mehorá.

E beneficiacion cu compania ta spera ta inclui mas productonan y productonan mas costoso, mehor condicionnan pa haci plantanan funciona di mihor manera posibel, y mehoracion di e tempo cu un unidad di refinaria ta fuera di operacion door di fihá mihor periodonan di mantencion di plantanan.

E proyecto aki, cual lo mester keda cla principio di 1968, ta agrupa hunto un cantidad di control house den un solo centro di nos piso, airecondicioná, y cual ta duna operador di planta ajudo di un computador y medianan pa mas seguridad na trabao pa empleadonan.

Instalacion di un computador den un control house no ta un novedad den industria competitivo y industria petroquímica di awendia. Den un articulo reciente den e periodico cu jama Petro Chem Engineer, e escritor ta bisa: "den industria petrolero y quimica tin mas of menos 130 sistema di control cu computador na Merca, y mitar mas tanto di nan den resto di mundu".

Den su operacion di planta, e computador no ta haci nada cu actualmente ta e operador ta haci. Su obhetivo ta di controla e instrumentonan continuamente y reporta na e operador tal instrumentonan cu ta pafor di e limitenan normal di operacion of cu por forma un situacion

alarmante. Tur decision tocante e informacion ey, y e accion necesario di operacion toch ta e operador mes mester tuma.

E panelnan nobo di control lo tin mas instrumento montá den cada pia cuadrá cu ta na uso awendia, - esey ta posibel awor aki pa motibo di avancen den instrumentonan mas chiquito. Hopi di nos instalacionnan di refina zeta te ainda tin, manera Cat Plant, e instrumentonan grandi di tipo cu tin mas cu 20 anja bieu. Registradornan y controladornan moderno ta muchu mas chiquito y mas compacto.

ESTUDIO DESDE 1965.

Proyecto di modernizacion di Control House a cuminza na anja 1965. Na e tempu ey un grupo specializá a worde formá pa determina e mihor numero di unidadnan cu por worde controlá for di un solo control house.

Nan a caba nan informe di posibilidad na Mei 1965. Poco tempu despues, Lago a cuminza un estudio tecnico hunto cu Esso Research pa desarolja detaljenan specifico pa un apropiacion di placa den presupuesto di 1966. Finalmente, ora e apropiacion pa e presupuesto a keda aprobá, un proyecto definitivo a sali for di hopi ideanan cual a bai den e proyecto cu a nace di varios bishita na e refinaria di compania Humble situá na ciudad Billings den estado Montana-Merca. J.R. Carroll, C. O. Persons, R.F. Morgan, T.R. Burton y G.L. MacNutt ta algun di e bishitantenan na e planta di Billings den curso di desaroljo di e proyecto.

Pa motibo di e velocidad tremendo cu cual un computador

por controla instrumentonan, lo e computador parti su tempu pa traha rapportnan di planta y pa haci calculacionnan na gran velocidad tocante asuntunan manera eficacia di e furnunan of mihor circulacion di poeiree catalista. Un cierto cantidad di programa ta actualmente na preparacion cual lo haci posibel pa e equipo di procesá informacion haci su calculacionnan y pasa su informacionnan na operador di planta, kende lo dicidi kiko e mester haci cuné. E informacion ey casi al instante lo druk mihor control, mihor informacion tocante e cantidad di produccion cu planta ta produci, y un mehora general di facilidadnan pa traha cu planta.

Tambe lo e por integra matematicamente e azeta cu cual nan ta carga e planta y producto refiná cu ta sali di e planta, cual lo resulta den mehor producto.

Inclui den e proyecto di refinacion ta uso di un sistema nobo di radio. Cada operador cu ta den refinaria lo tin un radioportatil cu ta tené den contacto continuo di comunicacion cu un companero di trabao den e centro di control. No solamente lo e ricibi respondinan destiná pé, sino lo e tende tambe tur otro actividadnan y instruccionnan cu otro hende ta duna den henter e unidadnan cu ta inclui den e proyecto. Lo e tin un idea claro y inmediato di e operacion total na cualkier momento.

Experiencia den otro pais cu e sistema di radio ey, ta proba cu si operadornan sabi kiko ta pasando den unidadnan pariba of pabao di nan mes unidad, esey ta produci mihor accion di grupo y ta contribui na decisionnan cu ta mihor pa henter e sistema. Esey anto ta realiza cu henter un refinaria ta obra manera un solo grupo.

E control house mes lo worde construí den e espacio tras di e unidad pa crudo number 10. Lo e ta un edificio di dos piso di 60 x 50 pia. E sistema di computadornan lo ta den e piso abao, y e panelnan di instrumentabao, y e panelnan di instrument lo worde montá den e piso arriba.

CHANGE TO AMERICA'S LARGEST-SELLING FILTER CIGARETTE!

Tops in flavor!

A filter cigarette that really tastes good... that's Winston! For up front, in the tobacco end, Winston gives you Filter-Blend, an exclusive selection of tobacco specially processed for the best taste in filter smoking! Smoke America's largest-selling filter cigarette, by far!



**Winston tastes good
like a cigarette should!**

© 1966 Winston Tobacco Company, Winston, Salem, N.C., U.S.A.

FOR SALE

Two Clark Equipment Company 5-ton 1956 Straddle Trucks. These trucks may be inspected on Monday, December 12, 1966 from 3:00 P.M. to 5:00 P.M. in the Lago Cable Yard.

Equipment will be sold on an "as is - where is" basis to the highest bidder. Any person interested in purchasing one or both of these trucks must submit a written bid by mail to the following address not later than 5:00 P.M., Monday, December 19, 1966:

P.O. Box 364

SEALED BID- STRADDLE TRUCKS

San Nicholas, Aruba

For additional information you may see the Operations Regional Supervisor in the Materials Division Office or phone him on Lago-telephone 3444.

LAGO OIL & TRANSPORT CO., Ltd.

PINOCCHIO

Kerkstraat 15,
Oranjestad.

È promer palacio di juguetes na Aruba tambe ta ofrece tur cos pa fiesta di mucha.

- * Piñata, bonechi, blas.
 - * Papercups, fork y cuchiu di plastic, slingers.
 - * Strooisel, sacu di plastic, etc. etc.
- HACI NOS UN BISHITA Y CONVENCE BO MES!



Rey De Copas

**TA REGALA:
Fls. 200.--**

na su partipantesnan di concurso cual ta hunga dia 19 di December 1966.

Cuanto placa tin den e vitrina di Aruba Distilling Co., na Wilhelminastraat No. 51?

REGLANAN PA PARTICIPA.

- 1) Pa cada botter bashi di Rey de Copas di mel Galon bo ta recibí 4 tickets, pa cada botter di 12/1 bo ta recibí dos tickets, pa cada botter di 24/2 bo ta recibí un ticket y pa cada dos botter di 498/4 bo ta recibí un ticket.
- 2) Entrega e formulario aki jená na oficina di Aruba Distilling Co., Wilhelminastraat No. 51.
- 3) E mes persona por jena cuanto formulario cu e ta desea, contal cu e entrega pa cada formulario e cantidad di botter bashi requerido.
- 4) Si tin mas cu un beneficiado e premio ta ser partí den esnan cu tin e pregunta correcto.

TEATRO DE VEER
aire-acondiciona
ta presenta for di
8 - 13 Dec.



TA BUSCA

mucha homber pa parti Arubaanse Courant na Playa. E MESTER TIN BICICLETA Y NO MESTER TABAY SCHOOL. Acudi of jama oficina di Arubaanse Courant, tel. 2116-1116.

CINE PA MUCHA

ORANJESTAD--Filmdienst di teritorio insular di Aruba ta presenta e siguiente peliculanan pa mucha durante luna di december

1. Un tekenfilm cu WOODY WOODPECKER.
2. Columbus ta descubri Amerika.
3. Un aventura di The Famous Kids.
4. Un tekenfilm cu Chilly Willy.
5. Un pelicula komiko cu Leon Errol; High and Dizzy.
6. Merry Christmas to you all.

E presentacionnan ta worde duna dia 9 di december ariba speelplaats di Sint Annaschool na Noord diarazon 14 di december den Club Surname na San Nicolas y diabierna 16 di december den teatro aire libre na Oranjestad.

Tur e presentacionnan ta cuminsa pa 7'or di anochi. Entrada ta fls. 0.25

ENCARCELA PA DESFALCO.

ORANJESTAD--Recherche di Oranjestad diamars a arresta y a encarcela un chauffeur di 28 anja, den servicio di un firma na Playa. E chauffeur aki a hanja ordu di su hefe pa bai paga recibo pero el a dicidi di bai gasta e placa na otro cos.

Diamars departamento di trafico a anuncia un choke leve cu un danjo material di fls. 50.-

Diamars polis a parti 12 proces-verbaal y a duna 8 asistencia.

ACTIVIDADNAN DI CLUB CARIBE

ORANJESTAD--Un cantidad grandi di actividadnan ta sperando e miembronan di Club Caribe na Kamakoeri. Diadomingo awor, dia 11 di december, Sinterklaas y su Zwarte Piet lo haci un bishita na e muchanan di Caribe. E mayornan ta worde suplica di pasa laga nan regalonan prom cu dia 10 di december na e bar.

Dia 24 di december e baile tradicional di Pascu lo wordeteni di 11.00 p.m. te 5.00 am. Musica lo ta a cargo di Estrella Musical. Ariba e mesun anochi ta cuminsa eleccion di Reina di Club Caribe y Reina di Carnaval Hubenil di Caribe.

Anja Nobo lo cuminsa cu musica di "Papa Muller y su Combo Alegre", di 1.00 'or di marduga te 8'or di mainta.

REINA DE DEPORTE A INAUGURA DEPORTE DI DOMINO.

PARADERA--Reina di deportedi Aruba, srta., Mercedes Oduber, diamars anochi a shobbei e prome mesa di dominopasina inaugura oficialmente e torneo pa e Statuutbeker, organisa pa Vereniging van Arubaanse Posterijen den S.C.A. Club, na Paradera.

Prome cu e apertura e presidente di V.A.P., sr Milo Croes a duna palabra di bon bini na e hungadornan y e cantidad grandi di publico present, y a desea tur e partipantenan exito. E partidonan ariba e anochi di apertura a duna e siguiente resultadonan:
Landsontvanger a gana pa default di Bevolking/ Burg. Stand/ Onderwijzers.
D.O.W. - Hypokad 21-10.
Radiodienst - Telefoondienst 21-19.
Posterijen - Veterinairedienst 21-17.
Dia razon anochi e torneo a sigui den S.C.A. Club.

Programa pa celebracion di carnaval na Aruba ta cla

Dia 5 di februari Parada grandi na Oranjestad. ORANJESTAD--Dialuna Stichting Arubaans Carnaval (SAC) a publica e programa provisional pa celebracion di carnaval 1967. Den un carta ta worde pidi cooperacion di organisacionnan, clubnan y comercio pa haci e carnaval venidero esun di mas grandi di Aruba. Na comercio tambe ta ser pidi pa duna nan empleadonan dialuna dia 6 di februari liber, e dia despues di e parada grandi, y tambe pa durante carnaval di duna un rebaha especial ariba nan articulonnan.

Na e clubnan a worde haci un suplica pa laga nan reinanan tumarta parti den e eleccion di reina di Carnaval di Aruba, pa asina pone un record di reinanan e anja aki. E mesun suplica aki tambe ta pa e eleccion di Prins di Carnaval. Formulario nan pa tumarta parti na e diferente actividadnan pronto lo ta disponibel.

PROGRAMA
E programa provisional tin hunto cu eevenementonan anual di semper tambe algun actividadnan nobo. E programa ta manera siguiente:

Diabierna, 13 di januari, 19.30' or Calypsonian Contest den Lago Sport Park.
Diasabra, 14 di januari, 9 pm-3 am: Eleccion di Prins Juvenil di Aruba cu baile.

Diadomingo, 15 di januari, 2pm-9pm: Eleccion di Prins di Carnaval di Aruba cu baile.

Dialuna, 16 januari, 20.00 Eleccion di reina di distrito di Santa Cruz.

Diamars, 17 januari, 20.00 Eleccion di reina di distrito di Noord.

Diarazon, 18 januari, 20.00 Eleccion di reina di distrito di San Nicolas.

Diahuebs, 19 di januari, 20.00 Eleccion di reina di Oranjestad.

Diabierna, 20 januari, 21.00' or "Fund Raising Dance".

Diasabra 21 januari, 20.00' or: Eleccion di reina di distrito di Savaneta y presentacion di candidatura na Reina hubenil.

Diadomingo 22 jan. 11.00 'or: Parada di Prins di Carnaval ariba e isla. 14.00' or: Carnaval di mucha na San Nicolas.

Diarazon 25. jan. 20.00 : Wega di futbol disfrazá pa hobennan.

Diahuebs 26 jan. 19.00' or "Boat & Watershow" den haf di Oranjestad.

Diabierna 27 jan. 19.30' or Steelbandcontest den Lago Sport Park.

Diasabra 28 jan.: Eleccion di reina hubenil y baile.

Diadomingo 29 jan. 14.00' or : Carnaval di mucha na Oranjestad.

Diadomingo 29 jan. 19.30' or: Baile disfrazá na Oranjestad.

Dialuna 30 jan. 19.00' or: Old Mask Parade y baile na Santa Cruz.

Diamars 31 jan. 19.00' or : Old Mask Parade y baile na Noord.

Diarazon 1 Febr. 19.00' or Old

Mask Parade y baile na Savaneta.

Diahuebs 2 febr. 20.00' or: Eleccion y coronacion di Reina di Carnaval di Aruba.

Diabierna 3 febr. 19.00' or : Old Mask Parade na San Nicolas.

10.30' or: Eleccion di Reina di A. Car. Hotel.

Diasabra 4 febr. 14.00' or: Parada grandi na San Nicolas.

22.00' or: Eleccion di Reina di Strand Hotel.

Diadomingo 5 febr. 13.00' or Parada grandi na Oranjestad.

Dialuna 6 febr. 20.30' or : Entregamento di premio.

Diamars 7 febr. 18.00' or: Grand Old Mask Parade y kimamento di Momo na Oranjestad (Clausura di Carnaval 1967).

REGLAMENTONAN
Reina di mucha y Prins mester ta entre 7 y 13 anja.

Inscripcion no ta necesario
Reina Hubenil y Prins: entre 14 y 18 anja; ultimo dia pa inscribi ta 7 di januari 1967.

Prins di Carnaval: entre 18 y 100 anja; ultimo dia pa inscribi ta 14 di januari pa och'or di anochi.

Reinanan di distrito: edad entre 18 y 25 anja; soltero y no mester bai school. Ultimo dia pa inscribi ta 12 di januari.

Reina di Carnaval di Aruba: edad entre 17 y 25 anja; soltera y no mester bai school. Ultimo dia pa inscribi 29 di januari 1967. E clubnan ta worde recorda pa eligi nan reinanan prome cu e fechanan ariba menciona.

PREMIONAN
E siguiente premionan lo bai pa e diferente reinanan y gruponan.

Reina di carnaval di Aruba: un auto.

Contest di steelband: un suma di placa y un contract di un luna pa toca rond di e pool di Strand Hotel.

Calypso King: Un suma di placa y un viahe pa Trinidad cu hotel paga pa dos dia.

Steelband di anja: un suma di placa.

Grupo di anja: un suma di placa.

Carroza di anja: un suma di placa.

Reinanan di distrito: un Viahe cu avion.

Prins y Pancho: regalo y Cancion.

ANALISTENEXAMEN

De Inspecteur van het Onderwijs maakt bekend, dat het schriftelijk gedeelte van het eerstvolgend examen voor LEERLING-ANALIST (medische richting) op Curacao en Aruba zal worden gehouden op 8 februari 1967.

Aanmelding voor het examen moet uiterlijk op 20 december 1966 geschieden op formulieren, welke verkrijgbaar zijn ten Departemente van Onderwijs en bij de Directeur van de leergang.

Degenen die in januari 1967 deel willen nemen aan een herexamen voor leerling-analist (chemische richting) dienen zich eveneens vóór bovengenoemde datum te melden.

De Inspecteur van het Onderwijs,

P.T.M. SPROCKEL.

Nassastraat
Oranjestad
December 9
from 3-10 p.m.

SHOPS OPEN TILL 10 P.M.

Mainstreet
San Nicolas
December 10
from 3-10 p.m.

Libby's BATMAN CAMPAÑA

OBTENE ARTICULOS BATMAN FACILMENTE

	PUNTOS	FLS.
BATMAN T-SHIRTS	90	.50
BATMAN NIGHT LIGHT	300	2.50
BATMAN CAPE	190	1.00
BATMAN HAT	50	.50
BATMAN PENNANT	50	.50
BATMAN EMBROIDERED PICTURE	70	.50
BATMAN BATORANO LAUNCHER	60	.25
BATMAN BATSCOPE GUN	60	.25
BATMAN SWEAT SHIRT	200	1.00
BATMAN BULLHORN Y HOPI MAS		

SPAAR BO ETIKETANAN DI

y cambia nan pa articulonnan di

BATMAN

N.V. WINKEL'S HANDEL MIJ.
Oranjestad Tel. 1431, 2397 San Nicolas Tel. 3150



Openbare vergadering van de Eilandsraad van Aruba op donderdag 8 december 1966 om 8,00 uur des avonds.

Agenda

1. Goedkeuring van de notulen.
 2. Ingekomen stukken.
 3. Ontwerp-eilandsverordening tot wijziging van de Eilandsbeurzenverordening Aruba (Ab. 1955 no. 11).
 4. Afschrift van een aan het Bestuurscollege gerichte motie van de R.K. Vereniging voor Onderwijzend Personeel "St. Thomas", betreffende verhoging van salaris en duurtetoelag van het onderwijzend personeel.
 5. Afschrift van een aan het Bestuurscollege gerichte motie van de R.K. Vereniging voor Onderwijzend Personeel "St. Thomas", betreffende de salariering van een bepaalde categorie onderwijzers 3e klasse.
 6. Afschrift van een aan het Bestuurscollege gerichte motie van de R.K. Vereniging voor Onderwijzend Personeel "St. Thomas", betreffende de korting op de duurtetoelag t.a.v. onderwijzeressen gehuwd met ambtenaren.
 7. Brief van het Bestuurscollege betreffende reorganisatie van de Dienst Arbeidszaken en Maatschappelijke Zorg.
 8. Brief van het Bestuurscollege betreffende scholing arbeiders.
 9. Brief van het Bestuurscollege betreffende wijziging van bestemming van krediet i.v.m. aanleg van toegangswegen naar hotels aan de Manchebo Beach en omgeving.
 10. Beroepschrift van de N.V. Arubaanse Wegenbouw Mij. tegen de beschikking van het Bestuurscollege, houdende weigering van een vergunning ingevolge de ilinderverordening Aruba tot het oprichten van een steenbrekerij te Canashito.
- Oranjestad, 2 december 1966,
De Voorzitter
O.S. Henríquez,

LAGO HUESPED DI CONSULNAN.

ORANJESTAD--Fin di e siman aki e funcionarionan halto di Lago lo ta huesped di Cuerpo Consular di Aruba, durante un pick-nick dansant. E pick-nick aki mester ser mirá como un expresion di simpatia di C.C. pa Lago pa e bon cooperacion cu ta existi entre e dos organonan aki.

E pick-nick dansant lo worde teni na e cas di campo di ex-ministro plenipotenciario sr. W.F. M. Lampe, na Babiñ (Paradera).

**LEZA ARUBAANSE
COURANT**

Dialuna atardi cuat'or diputado, sr. Dominico Tromp, na number di gobierno di Aruba, a haci e entrega oficial di e prome di e 46 ranchonan cu lo ser traha na e costa occidental di Aruba, na e piscadornan na Hadikurari.

Manera ta conoci, Eilandsraad completo a acepta algun tempo pasa e proposicion di Bestuurscollege pa traha e ranchonan aki di un valor total di 46 mil florin, na beneficio di e piscadornan di Aruba. E foto arriba ta muestra e prome rancho, awor mas moderno y fresco cu esnan di zink y palo bieu di antes, cu a bini cla na Hadikurari. E piscadornan tabata masha contento cu awor nan tin un lugar

mas adecuado pa haci nan trabao di piskeria. Solamente nan tin un deseo, esta cu pronto algun caha grandi lo ser poni den e ranchonan y den cual cahanan nan por warda nan articulonnan di piskeria. E mes atardi e diputadonan presente, esta srs. Isaac de Cuba, Dominico Tromp y Alberto Falconi, a informa nan cu pronto e cahanan aki y mesanan di cement pa scama y corta piska arriba lo ser poni den tur e 46 ranchonan.

E foto mas abau ta muestra un di e piscadornan mas bieu di Aruba, Buchi Martin Figaroa di 74 anja di edad, den un ameno conversacion cu diputado DE Cuba, kende den su horanan liber ta un ferviente piscador deportivo.

Mescos cu e demas piscadornan cu tabata presente pa acepta e rancho aki, Buchi Martin tambe tabata masha contento cu e adquisicion nobo aki. Sinembargo, el a muestra su mes un poco disgusta di e hecho cu ya for di awor, caba algun desconocido a usa e prome rancho aki como lugar di picnic den horanan di anochi. "Laga nos tur yu da otro, p'asina tur hende di Aruba por bai dilanti", tabata un observacion cu Buchi Martin a haci en relacionesaki. Cuesaki Buchi Martin kier meen cu loke ta di piscadornan, mester keda di piscadornan. E playanan di Aruba ta hopi grandi y tin hopi otro lugar cu por worde usa pa picnic y otro pasatempo den horanan di anochi.

CURSUS SUCCES A TUMA LIDERATO DEN PING PONG.

ORANJESTAD-- Den un encuentro interesante di ping pong Estrella Musical mester a bahacez pa e fuerte Cursus Succes. E resultado final, no di 9-0 manera contra e otro teamnan, pero cu e score di 8-1 ta un prueba di e superioridad di Cursus Succes den torneo aki.

E resultado individual den e partido aki ta manera siguiente: Jacobs (C)- Beumer (E) 21-16, 21-19; Croes (C)- Giel (E) 21-8, 21-9; Desbarrida (C)- Geerman (E) 21-12, 21-15; Croes (C)- Beumer (E) 21-17, 21-12; Jacobs (C)- Geerman (E) 21-23, 21-15, 21-11; Desbarrida (C)- Giel (E) 21-10,

21-12; Croes (C)- Geerman (E) 21-7, 21-10, Desbarrida (C)- Beumer (E) 16-21, 15-21; Jacobs (C)- Giel 9-0 21-3, 21-11.

Den e ultimo partido pues Estrella Musical mester a cede tur e prome lugarnan. Cursus Succes tin e liderato cu 5-10, sigi pa Estrella Musical cu 6-10. Tambe den e clase personal tabatin algun movicion. Beumer, cu tabatin tur su competidornan contra dje, por a salba e honor door di a gana Desbarrida y pa asina duna Cursus Succes e unico punto di contrario.

E tabla di posicion di e clase personal ta: Croes 15-15, Jacobs 9-9, Simon 9-9, Desbarrida 15-14, Beumer 18-16.

TORNEO

Ora cu diadomingo awor e torneo di caballero A-klasse caba, ta sigi un tienkamp y un torneo di cabayeros.

E otro resultado di diadomingo pasa ta: Three Aces-Estrella 7-2; N.W.I.W.A.- Bonaire Club 9-0.

PROGRAMA

E programa di diadomingo awor tin e siguiente partidonan: N.W.I.W.A. - Three Aces; Comm. baai Club - Estrella; Bonaire Club- Cursus Succes.

PAGINA DEPORTIVA

PRESENTA

PA:



ALCINDOR, ESTREA NOBO DI BASKETBALL MERICANO

Pa Sandy Padwe.

NEW YORK, -- NEA -- E anja aki un atleta cu a caba di termina su estudio di High School, lo ta e figura cu ta domina e deporte di basketball amateur. Diasabra dia 3 di december, Lew Alcindor, lo hasi su debut den un wega di campeonato di Universidad. E universidad cu elo hunga pe UCLA y tur critico ta kere cu Alcindor lo scribi historia di basketball di nobo cu su actuacion. E criticonan ta di opinion cu na maart di otro anja, Alcindor lo ser carga pa su compañeronan di equipo mientras cu nan ta bandona cancha cu e copa grandi di campeonnan nacional bao di su brasa.

Te hasta tin esnan cu ta di opinion cu e copa aki lo keda propiedad di UCLA durante e tres anjanan cu Lew Alcindor lo actua riba e canchanan di basketball pa e universidad aki.

Lew Alcindor ta pisa 230 liber y tin un altura di 7 pia y un pulgada, o sea dos meter y 12 centimeter. Na edad di 11 anja ya caba e tabatin un altura di seis pia. Na edad di 12 anja e tabata sinja e wega di basketball hungando cu Wilt Chamberlain como su maestro.

Algun dia -- muy pronto -- lo e ta e mihor cu Wilt Chamberlain of Bill Russel o George Mikan. E propiedad valioso aki den mundo di basketball ta nativo di e ciudad di New York.

E ta -- segun opinion di exper-tonan -- masha sabi, un bon estudiante y e ta papia cu facilidad.

Ta bon cu bo sa cu e ta papia cu facilidad. Tabata imposibel pa ningun descubri esaki algun anja pasa.

Su coach na High School no tabata permitie di papia cu reporteronan, persona nan cu kier a ofrece un contract profesional of cu ningun otro "stranhero". Donahue su nomber ta trece memoria di un anochi na Madison Square Garden dos anja pasa, despues cu Alcindor su school a caba di hunga contra di un equipo profesional, Donahue tabata sin ta cu algun reportero.

Net nan dilanti Lew tabata sinta cu su compañeronan di equipo. Un di e reporteronan a lanta para, cana bai serca Lew sacudi su man y informa tocante di kiko tabata su opinion di su salud y cual universidad e ta pensa di bai.

"Ta duelmi," Lew a bisa. "Mi no tin permiso di papia." Y esaki tabata fin di entrevista. E mesun politica aki tabata en efecto anja pasa na UCLA ora cu Lew tabata un estudiante di prome anja.

Awor henter mundo ta warda riba Lew Alcindor. Tur hende ta ansioso pa tende kiko Lew Alcindor mes tini di bisa tocante su actividadnan riba e terreno di basketball.

"Ami por bisabo un cos," Chamberlain a bisa. Ningun hungador di Universidad


por stroba Alcindor. Mi opinion ta cu ningun hende den Universidad por surpase."

Wilt ta admiti cu Alcindor ta e mihor shooter cu tin. Wilt ta di opinion cu pasobra Lew por shoot bon cu tur dos man e ta bai ta un problema serio pa e defensanan di e teamnan cu lo mester hunga contra di dje. E unico debilidad cu Wilt ta hanja den Lew ta e falta di energia di e ultimo.

E coach di UCLA, Jerry Norman ta confirma esaki. Esaki ta e cos cu nos mesteryu de cune, Jerry a bisa. Energia ke meen tur cos na



Elvin Haynes di seis dia y 9 pulgada ta e hungador di Houston cu lo duna hopi rival dolor di cabes den proximo weganan.



UCLA debido na e tacticanan cu ta ser favorece na e universidad, caminda tur hende tin cu participa tambe den hungamentu den defensa.

E debut di Alcindor e anja aki desafortunadamente lo kita hopi di e spotlight for di e otro hungadornan fantastico cu tin na Merca.

Jim Walker di Providence por ehemplo, ta un di e hungadornan di backcourt di mas exitante di e pais.

Pat Riley di Kentucky cu su tamaño di seis pia y tres pulgada probablemente ta e mihor all round player. Elvin Haynes di Houston y Westley Undeld di Louisville lo tabata candidato nan pa all American pa e posicion di center den cualkier otro anja. Pero e anja aki tur hende ta di opinion cu Lew Alcindor ta e homber cu unapimamente lo ser scohe pa e posicion aki.

EDWARD KENNEDY NO TA CANDIDATO PRESIDENCIAL

FILADELFIA -- UPI -- E senador norteamericano Edward F. Kennedy, a afirma cu un sonrisa di qu e no tin pensá pa pone su mes como candidatura di presidencial di Estados Unidos.

E observacion a ser hasi durante un bishita qu e tabata realiza na e centro di oportunidadnan di industrializacion (COI), qu ta un organizacion qu a ser crea pa enseña tecnicanan moderno na esnan qu no tin trabao.

Kennedy a responde pregunta nan di esnan qu ta ser sifia den e centro ora qu ela scucha ur hende bisa: "Puntrele si el k lanza su candidatura pa presidencia".

E senador a nota e observacion, y sonriente ela responde: "Mi no tin plannan pa esey".



Westley Undeld di Louisville ta un di e mihor centernan di Universidad, pero e honornan pa All American center e anja akilo bai pa Lew Alcindor.



Jim Walker, basketballista di Providence tambe ta un gran figura cu e bala.



e dianan aki ta kedando na Aruba, sr. Talbot MacDonald, miembro di Congreso na Estados Unidos. MacDonald ta haci un bishita di vacacion y como cu e ta den e comision pa suministro di awa na ca el a mustra masha interes pa e fabrica di awa y electricidad na Balashi, cual ta un di esnan di grandi na mundu. Pa intermediacion di e Departamento di Informacion di gobierno mesora un bishita na e planta di awa a ser regla, pa di tal manera duna e bishitante oportunidad pa sera conoci cu e ca. E foto ta mustra d.r.p.d.: Srs. B. Nixon (Lago), Talbot MacDonald, Ir. P. Beck (hefe di W.E.B.), Pira-Lampe (hefe Dep. di Inf.) durante e bishita na e fabrica.

CONCIERTO DI PASCU PA E ORKESTA DI CUERDA ARUBANO Y "VIVONS EN CHANTANT".

ORANJESTAD-- Cuminsando dia-
berne 16 di december e orkesta
di cuerda di Aruba y e coro mix-
to "Vivons en Chantant" lo duna
un concierto di Pascu. E con-
cierto lo worde duna den Cen-
tro Cultural, Iglesia Santa The-
resita na San Nicolas y den Tea-

tro Ser' i Noka na Santa Cruz.
Ta pa di prome biaha cu e or-
kesta di cuerda Arubano ta actua
independiente, pues sin apoyo y
relleno di afo, entre otro Corsow.
E orkesta tin 7 violon, 2 alt,
2 cello, 1 contraba y 1 piano.
E ta actua sin dirigent bao
direccion di e prome violon Be-
feldbrugge den forma di un mita-
luna, un imitacion di e manera
di actua di e famoso "I Misici
" di Italia.

E coro mixto "Vivons en Chan-
tant" desde februario ta activo
atrobe bao direccion di sr. A.
J. Seyler. E tin 45 miembro
activo.

PROGRAMA.

E concierto lo worde duna
door di tur dos ensemble. E pro-
grama ta anuncia fuera di e

cancionnan di Pascu, tambe Pa-
vanne y Chaconne di H. Purcell,
un concierto di violon di G. Tar-
tini, y despues di e intermedio,
tres obra di Mozart, algun pida
di un misa, (di Mozart), An-
dante di fluit y orkesta y final-
mente e "Ave Verum" door di e
coro y e orkesta huntu.

E prome actuacion lo tuma luga
diabierne 16 di december den Cen-
tro Cultural na Oranjestad. Ariba
dialuna 19 di december un con-
cierto pa hubentud, tambe den
Centro Cultural. Dia 20 di de-
cember e actuacionnan ta sigi
den Iglesia Santa Theresita na
San Nicolas y dia 23 di december
den e teatro Aire Liber Ser' i
Noka na Santa Cruz. Dnen caso
cu awa yobe e ultimo concierto
aki lo worde duna den misa di
Santa Cruz.

DECEMBER 16 ULTIMO FECHA NA ARUBA PA MANDA PETICION PA BECA DI TEAGLE

Peticionnan pa haya un beurs di Teagle Scholar-
ship, mester ta entregá no mas tardá cu Diabier-
nes, 16 di December 1966, asina Training Section
di Lago a anuncia, e siman aki. Formulario pa ha-
ci peticion ta disponibel na oficina di Sr. Rosendo
Nicolaas, kamber 179 den oficina principal di Lago.
Nan mester worde debolbé den su man no mas
tardá cu December 16.

Beursnan Teagle ta worde du-
ná pa studia na universidad di
Cornell, Massachusetts Institu-
te of Technology, Harvard School
of Business Administration, U-
niversidad Rice of Universidad
Tulane. Esnan cu haci un peti-
cion mester percura nan mes
pa pidi lugar y ser aceptá na
un di e universidadnan ey.

Esnan cu ta eligibel pa un Beurs
di Teagle Foundation ta emplea-
donan, yunan di empleadonan
of pensionista, y yunan di em-
pleadonan cu a muri mientras
nan tabata traha pa Lago of pa
companianan afiliá di Standard
Oil Company (New Jersey).

Empleadonan cu jidi un beurs
mester tin por lo menos dos an-
ja di trabao cu compania.

Empleadonan di kende nan yiu
homber of yiu muher pidi un beurs
mester tin por lo menos tres an-

ja trahando cu compania.

Bao di e programa di beurs-
nan Teagle, beursnan pa bira
enfermera lo ta disponibel trobe
e anja aki pa empleadonan di
afiliadonan Jersey cu ta eligibel
y pa nan yunan. Beurs pa en-
fermera ta disponibel pa cual-
quier school cu ta sinja enfer-
mera na Merca, cual ta aprobá
pa e Comision di Estado cu ta
tira lista riba e schoolnan ey.
Candidatonan pa bira enfermera
mester a worde aceptá na school-
nan aprobá na Merca prome cu
por considera nan peticion pa
beurs.

Peticionnan cu worde entregá
awor aki, ta pa consideracion
pa un beurs pa e anja escolar
cu ta cuminsa na September 1967.
Pa mas informacion jama Sr. Ni-
colaas na telefon 9-2527

SISTEMA NOBO DI MOVIMENTO DI AZETA NA LAGO PROBABLEMENTE ESUN MAS AVANZA NA MUNDO

SAN NICOLAS--Un inversion di varios miljon florin
lo duna Lago loke probablemente ta bira e siste-
ma mas avanzá y flexibel di movimiento di zeta
den henter mundo.

Despues di mas cu dos anja di
investigacion intensivo di progre-
so hací riba tereno di asuntonan
manera tank grandi, pomp di gran
capacidad, ayudo door di com-
putador, medidornan cu hende
por leza nan indicacion na un
distancia, y varios otro tipo di
telemetría, Lago ta tratando di
combina e mihor caracteristica-
nan den tal tereno.

Ironicamente, un motibo pa cual
esey ta posibel ta pasobra di e
distancia relativa cu nos a keda
atras. Den anjanan recién, e pa-
sonan padilanti di progreso tec-
nologico tabata basta acelerá.
Mientras tanto, hopi di nos com-
petidornan a gasta placa pa nan
aprobá cierto terenoan di a-
vance cual ta aplicabel na move-
mento di zeta.

Papiando relativamente, esaki
ta como si fuera Lago por awor
cuminza for di nada y Lago tin
su dilanti henter e grupo di i-
deanan pa e scohe esunnan cu e
ta hanja ta mihor y ainda po-
ne acerca ideanan di su mes.

E proyecto di movimiento di
zeta ta inclui un cantidad di
sistema mas chiquito di tanki,
tuberia, pomp y otro aparato di
control. Trahando como un com-
binacion, e sistemanan subsidi-
aria ey ta busca pa carga y des-
carga bapornan cu e mas mini-
mo demora e trabao aki y tambe
pa otra partinan di e proyecto.

Un parti di e proyecto pa mo-
vimiento di zeta ta pidi construc-
cion di seis tanki gigantesco
cu capacidad pa contene te 630,
000 baril di zeta. E tanki di
mas grandi cu Lago tin awor
aki ta contene 220,000 baril. Un
di e tankinan nobo ta pa crudo
y cuater lo contene productonan
refiná. E seis tanki nobo lo
reemplaza 42 tank bieuw cu ya ta
worde kibrá caba.

Pa haci mihor uso di e espa-
cio di tanki nobo, un cantidad
di pomp basta grandi lo worde
instalá pa pomp e zeta den tan-
ki y saké trobe for di e tanki-
nan gigantesco.

Un otro aspecto di e proyecto
aki ta e instalacion di indica-
dornan cual por worde lesá na
un distancia, y tambe 1400 val-
ve cu ta habri y sera cu motor.
Tambe e tankinan lo tin facili-
dad pa saca for di nan un muestra
di zeta abao na tera, asina ta cu
no ta necesario mas di subi ri-
ba e tanki.

Tambe lo ser inclui tiponan no-
bo di braza pa wanta tubo di
zeta ora nan ta carga un barcu,
mezcladornan conectá directa-
mente cu tuberia pa mezcla
zeta combustible y diesel. E
centro di control ta inclui un
sistema di computador pa proce-
sa informacion, y pa haci e cal-
culacionnan di alta velocidad cu ta
necesario pa coordina henter e
sistema subsidiaria den un opera-
cion integro y efectivo.

Pa medio di uso di telemetría,
e informacion riba e indicador-
nan na distancia lo worde trans-
miti directamente na e centro
di control. Teniendo tur infor-
macion disponibel na un lugar lo
permít e operadornan di e cen-
tro di control di scohe entre al-
ternativonan y despues tuma e
accion cu ta mihor.

E computador lo hiba cuenta
di e cifra neto di barilnan car-
gá abordo, lo e calcula cuanto
baril a bai den cual barcu, y

druk inventarionan cu ta al mo-
mento y cantidad di otro punto-
nan di informacion cual ta asis-
ti trahadornan pa usa e accion
necesario y asina controla e o-
peracion.

E proyecto di movimiento di
zeta a cuminsa na 1964 ora cu
a worde probá cu nos manera
di operacion tabata keda atras
compará cu otro competidornan.
Un estudio anterior a proba tam-
be cu nos plannan pa futuro ri-
ba tereno di movimiento di zeta
tabata limitá y tabatin mester di
mas alcance y flexibilidad.

Jack Kelleway, Carle Williams
y Tom Clift a keda encargá
di investigá e asunto ey. Pa nan
hanja sabi antecedenente di lo-
ke ta disponibel y di ki manera
otro companianan a trata e pro-
blema aki, Kelleway y Williams
a biaha masha hopi mes durante
1964 y 1965.

E lugarnan cu nan a bishita
ta jega na un alcance for di
Esso Research y otro afiliado-
nan di Standard Oil (New Jersey),
fabricantenan di tuberia, di pomp,
di valve y di mididornan, te na
un centro di investigacion cien-
tifico di fuerza Aerea te jega na
un centro di cohete espacial.

Na cada lugar qu nan a yega
nan a mira un cantidad di avan-
cenan nobo y manera di trata
problema cual mester worde con-
siderá den un proyecto manera
esaki.

Buscando informacion inicial
a tuma 18 luna di re-evaluacion
di informacion nobo, y tratando
di evalua su valor potencial pa
Lago su operacionnan. Finalmen-
te, e grupo di tres persona ey a
keda enfrente cu e trabao gran-
di di pone huntu tur e pida pida-
pida di e charada, pa forma
un paquete comprensivo.

Tabata den e tempo ey cu e
grupo a haya seguridad e he-
cho cu ya cu nos compania ta
bata asina atras, realmente ta-
bata un ventaha. Teniendo esey
na bista, e grupo a pone co-
mo su obhetivo: "e mihor ope-
racion di movimiento di zeta
di su tipo cu ta existi den henter
mundu".

Ora nan a cuminsa pone e pi-
da-pidan los di e charada na
nan lugar, nan a ripara cu esun
di "mihor" (den terminonan di
eficacia y flexibilidad) den ma-
yorla di casonan tabata e tipo
mas avanzá y hopi bes esun me-
nos costoso.

Por ehempel, un tanki di 650,
000 baril ta menos costoso cu
diez tanki di 65,000 baril. Tam-
be e mester di menos tuberia,
menos valve y menos pomp.

TRUCK DI BANCO A SER ASALTA

MANAGUA -- UPI -- Un grupo
di individuos arma a asalta un
truck di e banco di Londres, y a
podera di e vehiculo na dos cua-
dro for di e banco central den e
ciudad aki, hortando asina e suma
di 35 mil dollar.

Mas despues nan a anuncia si-
nembargo qu e truck a ser ban-
dona na 12 milla sur di Managua,
riba e caminda Jocote Dulce.

Aya nan a laga e tres ocupan-
tenan di e truck marra y a bal
cu e moneda di un valor di 32
mil dollar, segun e funcionario
di e banco di Londres, Humphrey
Davis a declara.

BEBE.



Nunca E ta Varia

PERISCOPIO MUNDIAL

Abusador lo ser steriliza

SYDNEY (Australia) -- Un homber, convicto di a abusa di un mucha muher menor di edad, a pidi juez formalmente pa e wordu ordena pa opera y keda steriliza pa restu di su bida. E kier a hasi esaki como- quiera qu e ta arrepenti su mes di e caso aki. E tin 41 aña y e mucha muher tin 11 aña. E ta casa y tin 2 yiu, pero for di basta tempu, e ta biba separa di su muher.

Pildora anti-alcoholica

LONDRES -- Existencia di un pildora anti-alcoholico qu ta permiti hende bebe mas y bira burachi menos a ser revela pa Camara de los Comunes den un reunion special. Sir Clive Bosson, Parlamentario conservador, a informa su coleganan qu e pildora ey ta ser usa cu exito na Austria, y Hungria. Lechi y zeta dushi lo por produci mesun efectonan similar na esnan di e pildora en cuestion.

Socialismo den gobierno Aleman

BONN -- Ingreso di socialismo den e gobierno nobo di Alemania lo por cambia e politica di e pais aki respecto America Latina, specialmente den loke nan ta referi e trato que e regimennan militar qu ta existi na e momentonan aki den e region aki, segun e medionan diplomatico di e capital aki a specula. E mesun fuentenan tabata mantene cierto reserva pa qu e actual gobiernonan di Argentina y Brasil.

Protesta di Diplomaticonan Chino

MOSCU -- Dos diplomatico chino a retira for di un ceremonia den Kremlin ora qu un funcionario sovietico haltu a acusa Pekin di ta trata na fomenta un guerra mundial nobo. E acusacion a ser hasi pa Nikolai Yegorychev, hefe di e Organizacion di Partido Comunista di Moscu den un acto pa celebra e di 25 aniversario di e batalla di Moscu. E retiro chino aki tabata e di tres den e ultimo 30 dianan aki for di un acto oficial sovietico.

Edward Kennedy lo no ta candidato presidencial

FILADELFIA -- E senador norteamericano Edward F. Kennedy, a afirma cu un sonrisa, di qu e no tin pensa pa pone su mes como candidato di presencia di Estados Unidos. E observacion aki a ser hasi durante un bishita qu e tabata realiza na e centro di oportunidadnan di industrializacion qu ta un organizacion qu a ser crea pa sifa e tecniconan moderno na esnan qu no tin trabao.

Proposicion nobo di Ian Smith

SALISBURY -- Prome ministro Ian Smith, a propone qu un comision imparcial lo resolve e crisis qu a ser crea pa e declaracion unilateral di independencia di Rhodesia. E hefe di Gobierno a propone e solucion aki den un conferencia di prensa qu tambe a ser transmiti pa television, den cual ela censura prome ministro Harold Wilson tambe seriamente, afirmando qu ta su intencion pa trata Rhodesia manera Londres a trata e colonianan norteamericano qu a declara nan independencia 190 aña pasa.

Reunion di Consejo di Seguridad

NACIONNAN UNI -- E Consejo di Seguridad di Nacionnan Uni a convoca un reunion pa e proximo 48 oranan a fin di trata e peticion ingles di "Sancionnan obligatorio, efectivo y selectiva" contra e regimen rebelde di Rhodesia. E ministro di relacionnan exterior di Inglaterra a yega for di ayera nochi y e reunion ta señala pa awe tardi 5'or. Esaki ta pa trata e medidanan qu Inglaterra a propone pa paraliza economia di Rhodesia.

Truck di banco asalta na Managua

MANAGUA -- Un grupo di individuos arma a asalta un truck di e banco di Londres y a podera di e vehiculo na dos cuadro for di e banco central den e ciudad aki, y a disparte cu e suma di 35 mil dollar. E truck a ser haña bandona despues.

Movimiento pa pacificacion na China


LONDRES -- Fuentenan diplomatico a revela akinan qu sectornan important di e dirigentenan di Partido Comunista y Ejercito Chino ta favorece un "entendimiento politico" qu Union Sovietica pa sigura su asistancia militar y economica pa China Roja.

E fuentenan a agrega qu e corriente di opinion aki ta constitui e motibu principal di inquietud y e lucha pa poder actualmente qu ta reina den e regimen di Pekin.

Ex comandante Indones a declara

YAKARTA -- E ex-comandante di forza aerea di Indonesia Omar Dhani a reconoce qu e tabata na altura di un plan comunista pa derroca gobiernu anja pasa y a yega asina leeuw di permiti e acusadonan pa usa equiponan militar. Sinembargo, ela afirma, quela kere qu henter e plan tabata un "chiste grandi".

Dhani lo por ser condena na pena di morto dilanti un peloton di fusilamiento y a bisa tambe qu Suharto tabata na altura di e conspiracion prome qu esaki a cuminsa.



Na New York un dje wagonnan di pasajero di New York Subway a sali for di rail, ora e tabata transmitiendo un bocht den e seccion di Manhattan. Segun un portavoz di Beekman-Downtown Hospital un total di 13 persona a ser trata pa sianan menos serio.

OMAR DHANI TABATA BON NA ALTURA DI GOLPE COMUNISTA

YAKARTA -- UPI -- E ex-comandante di forza aerea di Indonesia Omar Dhani a reconoce qu e tabata na altura di un plan comunista pa derroca gobiernu anja pasa, y a agrega asina leeuw di permiti e acusadonan pa usa equiponan militar. Sinembargo, ela afirma, cu ela kere qu henter e plan tabata un "chiste grandi".

Dhani, quende lo por ser condena na pena di morto dilanti un peloton di fusilamiento si e wordu declara culpabel di traicion pa su papel den e golpe comunista qu a faya dila prome di oktober na aña 1965, a declara dilanti di tribunal militar special qu ta huzgele qu e ex-general di brigada Suharto a bisele di tabata sa di e conspiracion prome di qu esaki a cuminsa.

E ex-hefe di forza aerea quende a facilita su partido a reconoce esaki. E tabata un di e dirigentenan maximo di e plan, un helicóptero qu mester a ser usa den e levantamiento tabata na su encargo tur.

Dhani tambe a informa qu ela hasi manera e ta surgl riba e informe di qu e comunistanan entrega un "consejo revolucionario" pa reemplaza Gobierno, y qu na ta considera esaki como "un chiste grandi".

"Mi no a tuma e informenan ey na serio", asina ela bisa. "Te hasta despues di e matanza di e generalnan, te alnda bo ta considera e caso como un chiste grandi,?" asina fiscal a puntrele.

Seis general indones, incluso e hefe di ejercito, general A. Yani, a ser tira mata pa parti di e comunistanan den e prome etapa di su golpe qu a ser aplasta pa elementonan anticomunista di for-

sanar arma, comandonanpe generalnan Suharto y Nasution.

Dhani ta e di dos figura grandi y amigu intimo di presidente Sukarno quende ta ser acusa pa un tribunal militar pa traicion, mientras qu tambe nan a declara e ministro di relacionnan exterior Subandrio a ser declara culpabel di e cooperacion den ejecucion di e golpe, y condenele na morto.

Subandrio a pidi presidente Suharto clemencia.



Jacqueline Kennedy y su ruman muher Lee Radziwill a bai come den e restaurant Lafayette na New York. Aki nos por mira ora, cu nan tabata saliendo for di den restaurant. Segun e persona cu a tuma e potret aki, e bisti cu Jacqueline tabata tin, ta un estilo nobo cu ta algun centimeter mas corticu riba su rodilla. Esaki ta e bisti mas corticu cu el a yega di bisti den su bida.

NEW YORK -- UPI -- George "Birdie" Tebbets, ex-manager di Rojos di Cincinnati, indios di Cleveland y Bravos di Milwaukee, a firma contract cu Mets di New York pa actua como asesor especial den e programa di desarrollo di hungadornan.

Exclusivo

Pearl Harbor

Dia 6 di December, 1941, masha poco hende a yega di tende di e base naval aki na Hawaii.;

Un dia despues, Japon a hasiele famoso.....

Binti-cincu aña pasá Hoyt McAfee, un reportero pa diferente corant di North Carolina, tabata na Honolulu. Riba e mainta di 7 di December 1941 el a stuur su auto cu un amigo qu tabata oficial naval pa hiba e amigo aki na su barcu. E barcu su nomber tabata Arizona y e tabata mara na Pearl Harbour. Regresando cas despues el a para na un restaurant qu ta riba un serru banda di Pearl pa a desayuna. Tabata e momento ey qu 183 avion Japonés di guerra a bula pasa riba dje y asina aki e guerra den Pacifico a cuminsa. McAfee tabata un testigu ocular. E ta conta di e momento aki den e articulo qu ta sigui exclusivamente den LA PRENSA.

Durante di e prome momento-
nan di e atake Japonés na Pearl
Harbor un escena a impresio-
narme mi mas cu ningun otro.
Un grupo chikitu di homber ri-
ta e bapor di guerra Nevada ta
ignora tur huma tur candela ta
tabata plama rond di nan y tur
om cu tabata explota pa sigi
u e ceremonia cu nan a prin-
cipia. -- e hisamentu di bandera
Mericano.

bandera Mericano tabata dentop.
Exactamente 8'or ora cu nan a
cuminda ta hisa e bandera un
avion enemigu a bai den direccion
di e vapor Arizona y manda
un torpedo den su custodia.
E avion a continua den direccion
di Nevada cu un velocidad rapi-
do. Di repente e homber cu
tabata encarga cu e cayon
di parti patras dje avion a des-
cubri e grupo di musiconan cu
tabata reuni rond dje palu di
bandera. El a e primi e gay di su
machinan y e bajanan cu a sali
casi a dal Mc Millan y su banda
di marina. Pero ningun danjo no
a ser ocasiona. No obstante di e
atake aki cu a hera nan pa un
cabey McMillan y su banda a

sigi toca e himno Mericano Star
Spangled Banner. Tabata un ber-
dadero momento di inspiracion.
Sinembargo e tripulacion di Ne-
vada lo desafia e enemigu masha
hopi bes mas awe mainta. For
di e posicion cu tabata tin for di
top di e ceru mi tabata pora weta
henter Pearl Harbour y mia man-
tene un verrekijker riba ebapor
Nevada. Ora cu e bandera Meri-
cano tabata maso menos na mitar
di e mast, un avion enemigu a
pasa masha abao riba e bapor.
Su mashinan tabata scupi bala.
Un bala casi casi a kibra e
bandera na pidi, pida. Esaki tabata
algu cu a afecta e nervionan di e
lider di banda, McMillan, ela
lubida di move subatonpa un mo-
mento. Pero un rato despues su
man a reflecciona y a bolbe cu-
minsa den e ritmo acostumbra.

Su musiconan inspira pa su co-
rage e resumi tocamentu dje
himno nacional. Mientras cu nan
tabata yegando na e meta final
un otro avion a bula pasa asina
bao casi casi ela dal den e bapor.
Su cayonnan a habri buracunan
grandi den e parti di stuurboord
di e barcu di guerra. Despues di
caba cumpli cu nan deber bao di
fuego di enemigu, Oden McMillan
y su musiconan a kibra nan for-
macion, nan a core crusa e dek
di Nevada y a bai ocupa nan posi-
cionnan tras di cayonnan y otro

a bai asisti na e stacion di
prome auxilio, awor determinna
yuda nan companjeronan di bapor
den combati, e enemigu. No por
existi duda cu un hisamentu
di bandera dramático a inspira
henter e personal di Nevada
cu un espiritu di, banda e enemi-
cu bek. E comandante di Nevada
no tabata a bordo na e momento
cu e Japonésnan a principia nan
atake cobarde. Teniente comandor
Francis Thomas, e oficial di mas
haltu na bordo a realisa cu suba-
por tabata den un peliger terribel.
El a resolve di salbe for di de-
struccion. Su prome orden cu a in-
spira confiansa serca su tripula-
cion tabata "Ban weta duna
stoom, pasobra nos ta bai weta cu
e lo bai laman afo."

Cu determinacion usando tur su
capacidad e tripulacion a hasi
preparacion necesario pa por cum-
pli cu e orden di nan capitán
mientras cayonnan di Nevada ta-
bata purba di mantene tur e
avionnan atakante na un distancia.

Tabata un bista cu a electrifica
e hombernan di batalla Americano
cu tabata completamente bruha y
otro di nan herida tur caminda
na Pearl Harbour ora Nevada, fi-
nalmente a cuminsa move riba su
forsanan. 8.45 di mainta coman-
dante Thomas tabata dirigi, du-
rante di tur momento amenizan-
te henter e operacion for di e
toren di bapor.

Chief Quatermaster, Robert
Sedberry, inspira manera nunca
prome den su carera naval, a
stuur Nevada pasa banda di ere-
stunan cu tabata kima di Arizo-
na, banda di pida pida staalnan
grandi, bandi di un pipa grandi
cu tabata directamente den su
caminda. E ora ey a bini un ava-
lancha di avionnan enemigu riba
Nevada, manera warawara ham-
bfa cu tabata busca un cadaver
pa skeer nan tabata baha riba e
bapor di guerra. Nan tur tabata
determina pa destrui Nevada, y
asina termina cu ne pa sem-
per. Unu tras di otro nan ta-
bata bini. Dos bom mas a sagudie
violentamente. Candela nan nobo
banda di dje tabata pone e bapor
sagudi y sapatia riba e colum-

nanan grandi di awa cu explo-
sionnan tabata forma.

Huma tabata sali for di dje tur
caminda. Milagrosamente, Ne-
vada a libera su mes for di
awaseru di destruccion. Mane-
ra centenares dje otro homber-
nan para riba deknan di bapor-
nan cu tabata kima na Pearl Har-
bor mi tabata weta, awor in-
tensamente y cu mi curazon ba-
tiendo te den mi garganta mien-
tras cu Nevada tabata sigi. Al-
gun di esnan cu tabata mira a
cuminsa grita di alegria, a
aplaudi e actuacion. Tabata na
e momento ey cu general Hus-
band Kimmel y su staf na Cuar-
tel general a tuma un desicion
difícil, pero sinembargo un de-
sicion cu tabata destina na prote-
ga tur e bapornan na Pearl
Harbour.

Via señalnan cu a ser hisa na
top di e toren di distrito naval
nan a ordena Nevada pa bai
den direccion di e Beachplaats
Hospital Point y tira anker ey.


Nan miedu tabata cu si Nevada
continua den e canal habri de-
laster un avion enemigu cu tabata
tini lo a bombardie te ora cu e
sink y e manera aki nan lo a
sera tur e bapor di guerranan
cu tabata tin den Pearl Harbour

Un poco tristu teniente Coman-
dor Thomas a cumpli cu e or-
den. Mes ora cu e pilotonan
Japonés a weta na unda Neva-
da tabata bai, nan a hala for di
dje y un blaha mas a concen-
tra nan atakenan riba otro pro-
yectornan mas importantenan Pearl
Harbour. Como un persona cu a
weta e atake cobarde di su prin-
cipio te fin, mi por testigua
mescos cu hopi sobreviviente di
e desastre di Pearl Harbour
cu e ehempel dramático di des-
afio cu a ser lanza Nevada a
sirbi como un ehempel rond di
cual tur e hombernan di ba-
tallo Mericano cu a yega e rally.

Cu tur hustificacion mi por bisá
cu e ehempel di Nevada du-
rante e atake di un ora y mei cu
a sacudi henter mundu a cambia
curso di historia.



Algun dje prome dajonan cu a ser sufri, tabata na ebapor di guerra ARIZONA.



Bordo di e barcu di guerra NEVADA, e banda tabata tocando ainda no obstante cu bomnan tabata ser tira.

RIP KIRBY

Agente exclusivo di

FRIESCHE VLAG

pa cortesia di:

JAN BODEGOM & CO (ARUBA) N.V.

lechi evaporado y lechi en polvo,

MAXWELL HOUSE KOFFIE



BOTICA

Nachtdiensten: Oranjestad Botica
del Pueblo, Tel. 1253-2154
San Nicolas Botica San Luca
Tel: 5119

PELICULA

De Veer: 8,30 p.m. "The Blue
Max" 18 j.
2,00 p.m. "The Sons of Katie
Elder" all
Rialto: 8,00 p.m. "The Brass
Bottle" all
Principal: 8,00 p.m. "Esther an
th King" all
Aurora: 8,00 p.m. "Raintree
Country" 18 j
Savaneta: 8,00 p.m. "Gold Rush"
all

DICK TRACY

presenta pa cortesia di:

VICTORIA BOTTLING COMPANY

PEPSI COLA-SEVENUP-GRAPETTE-KIST--

VICTORIA SODA WATER--BUFF ALO ROCK--GINGER ALE



PEPITA

EL REY
DEL TRAGO

Tin un

SORPRESA

Pa su consumidornan

MIRA BAO DI E
TAPA DI CADA
BOTTER
RON REY
DE COPAS

Pa mas informacion:

Aruba
Distilling Co.

Ann Landers

Querida Ann Landers -- Ta kiko ta pasando den mundu awendia? Mi subrina di 17 año, Geraldine, recientemente a anuncia casi cu orgullo qu e ta na estado y qu otro luna e ta casa. Awor e kier casa na misa, cu bruidsmeisjes y bruidsjongen y su mayornan ta laguele casa asina tambel.

Ayera su mama a topa mi y ei a conta mi qu enbes di cana qu un bouket di bruid, lo e cana cu un bouket di flor di un sorto di maishi. E cos aki tabata su anhelo for di dia qu el a mireie den un pelicula. E flor aki parse ta simbolo di fertilidad.

Segun mi, ya e mucha muher a proba que ta fertil-- tur hendeden nos hanchi di cas ta papia riba e cos aki -- y e no tin mester di hasi su mes asina ridiculo pa proba qu e ta fertil. Por favor laga mi sa kiko bo ta pensa. Si e hasi e cos estúpido aki, nunca mas di su bida lo e no stop di lamenta e cos aki, -- Un tata preocupa.

Querida tanta -- Mi ta di acuerdo cu bo qu Geraldine lo bira blanco di hendenan qu lo ridiculise si e insisti di hasi loque e tin planea. Sinembargo, e no a puntra mi opinion y si e no a puntra bo esun di bo, laga nos tur dos laba man for di e asunto aki.

Querida Ann Landers -- Mi ta mama di cuater yiu homber, di cual dos ta ohochi, y tur ta bai school ainda.

Durante e ultimo añanan aki continuamente telefon ta ring, net ora nos ta comiendo y mi tin qu pasa e telefon di un pa otro, cu e cabuya lastrando den tayo mientras qu e cuminda mes tabata bira frieuw. M'a puntra nan ta di con, si nan kier papia cu un mucha muher, nan no ta yama e mucha muhernan. Nan a sagudi nan schouder y un di nan a declara: "E motibu pa cual nan ta yama nos ta pasobra ningu hende no ta yama nan".

Den mi opinion un mucha muher asina lo tabata menos atractivo

pa un mucha homber, pero ningun no ta pensa asina. Tambe mi ta kere qu e mucha muhernan qu ta yama e mucha muhernan no tin sigur di nan mes mientras qu e mucha muhernan qu ta stimula e mucha muhernan pa yama nan na cas, ta goza di ser persigui pa un mucha muher. Tur mi cuater yiu nan tin part-time job aparte di qu nan ta bai colegio y en general, nan ta comporta nan mes simpaticamente. Pero e asunto di e mucha muhernan aki ta molestia mi. Kiko ta bo opinion? -- Un mama.

Querida Mama -- Mientras tanto qu tin mucha muher den mundu, algun di nan lo yama un mucha homber. Mama di un mucha homber sinembargo por pone regla -- lo no tin papiamentu na telefon ora di come. Mester bisa e mucha muher pa yama back despues of mihor ainda, laga e mucha homber yama back, qu ta e manera naturalmente, manera mester ta.

Querida Ann -- M'a caba di lesa e carta qu un teen-ager a scribi tocante di su tata viahero qu nunca ta na cas pa ningun hende sucumpleaño of pa Dia di Mama.

M'a keda sorprendi tambe qu enbes di caba cu e tata, bo a hala atencion di e persona qu a scribi bo. Mi tata ta e mesun clase di hende y mi tin sigur cu bo ta robes si bo defende un persona cu asina poco consideracion.

Si un homber no por dedica tempu na su familia, e no mester casa. Kiko ta bo opinion, Ann Landers? -- PENELOPE.

Querida Pen -- Si bo tata no a dicidi di casa, unda lo bo tabata? Pa bisa un hende qu e no mester a hasi un cos qu el a hasi caba, no ta un solucion. E bendedor viahero aki a dicidi qu ta di e manera aki e por gana placa pa cria boso y su familia mester acepta su ausencia sin reclama.

ABUSADOR
A PIDI PA
STERISELE

SYDNEY (Australia) -- UPI -- Un homber convicto di a abusa di un mucha muher menor di edad a pidi juez formalmente pa e wordu ordena pa opera pa e keda steriliza pa restu di su bida. "Mi a comete delitonan sexual anteriormente y mi no kier qu esaki lo por pasa un blaha nias", asina ela splica e magistrado. "Mi kier conserva mi juicio y mi ta considera qu e operacion aki ta mi unico oportunidad. Mi tin deseo di biba un bida normal."

E peticion a ser formula den tribunal pa parti di e obrero di 41 anja di edad Robert Sweeney, despues di a admiti di a abusa di un mucha muher di 11 anja y confesa su arrepentimiento pe accion ey.

Sweeney tin dos jiu di 14 y 11 anja respectivamente, pero e ta separa di su esposa for di 11 anja caba. E huez a manifesta qu e mester studia e caso, "ya cu ta trata aki di un peticion sorprendente", pero a considera dudoso di qu nan lo por ordena e operacion qu a ser pidi legalmente.